



Ruj kami : APMM.DM18.100-2/1/1 ( )  
Tarikh : 27 Oktober 2018

### **Siaran Media**

#### **4 WARGANEGARA ASING DITAHAN MARITIM MALAYSIA TAWAU**

**TAWAU, 27 Oktober** - Agensi Pengawalkuasaan Maritim Malaysia (Maritim Malaysia), Zon Maritim Tawau berjaya menahan 4 orang Pendatang Tanpa Izin (PATI) menaiki sebuah bot jongkong yang disyaki cuba masuk ke Malaysia, semalam.

Pengarah Zon Maritim Tawau, Kepten Maritim Romli bin Hj. Mustafa berkata, tangkapan telah berjaya dibuat sekitar jam 8.30 malam semalam di perairan Batu Tinagat oleh krew bot ronda Maritim Malaysia, Tawau berdasarkan maklumat risikan. Bot jongkong tersebut dipercayai menuju masuk ke Sungai Batu 4, Tawau secara tidak sah.

"Pemeriksaan awal mendapati terdapat seorang juragan lelaki berumur 36 tahun bersama tiga orang awak- awak berumur sekitar 22 hingga 39 tahun. Kesemua yang diperiksa merupakan warga Indonesia tidak mempunyai dokumen yang sah memasuki negara ini," katanya dalam satu kenyataan di sini hari ini.

Juragan dan kesemua awak- awak ditahan dan dibawa ke Jeti Maritim Malaysia untuk siasatan lanjut di bawah Akta Imigresen 1959/63 iaitu keluar atau masuk melalui kawasan yang tidak diwartakan, jika didapati bersalah kesemua suspek boleh didenda tidak melebihi RM5000 atau penjara tidak melebihi 5 tahun atau kedua- dua sekali.

Maritim Malaysia akan terus meningkatkan tugas penguatkuasaan bagi membanteras aktiviti-aktiviti yang menyalahi undang-undang di Zon Maritim Malaysia khususnya Perairan Timur Sabah (ESSZONE). Sebarang maklumat berkaitan pencabulan undang-undang serta kejadian kecemasan di laut boleh dilaporkan dengan menghubungi terus di talian MERS 999 atau di talian 089-752115 Pusat Operasi Zon Maritim Tawau.

**KEPTEN MARITIM ROMLI BIN HJ MUSTAFA  
PENGARAH ZON MARITIM TAWAU**

**TAMAT**

---

Dikeluarkan oleh:  
Unit Komunikasi Korporat ZM  
Agenzi Penguatkuasaan Maritim Malaysia  
Tawau

Sebarang penjelasan lanjut sila hubungi :  
Lt Madya (M) Mohamad Sobri bin Abu Othman  
Zon Maritim Tawau  
Pegawai Perhubungan Awam

Tel: 089-750116  
Fax: 089-758116